

Mick Antoniw AS/MS

**Y Cwnsler Cyffredinol a Gweinidog y Cyfansoddiad
Counsel General and Minister for the Constitution**



**Llywodraeth Cymru
Welsh Government**

Huw Irranca-Davies AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru

5 Medi 2022

Annwyl Huw

Diolch ichi am eich llythyr dyddiedig 19 Gorffennaf sy'n gofyn am wybodaeth am offerynnau statudol sy'n deillio o ymadael â'r UE.

Rydym yn rhagweld y byddwn yn dod â nifer bach o offerynnau statudol sy'n deillio o ymadael â'r UE i'r Senedd cyn diwedd y flwyddyn galendr hon. Mae swyddogion Llywodraeth Cymru yn gweithio'n agos gyda swyddogion cyfatebol yn Llywodraethau'r DU a'r Alban i nodi'r meysydd hynny y mae angen deddfwriaeth gywiro mewn perthynas â nhw, a byddwn yn sicrhau bod y Pwyllgor yn cael yr wybodaeth ddiweddaraf am hynt y gwaith hwn.

O ran y potensial i Lywodraeth y DU wneud offerynnau statudol gyda chydysyniad Gweinidogion Cymru, caiff offerynnau posibl eu hasesu fesul achos drwy gyfeirio at gynnwys yr offeryn statudol a pha mor addas ydyw o ran a ddylai Llywodraeth y DU arfer y pŵer perthnasol. Bydd angen cael rhagor o wybodaeth gan Lywodraeth newydd y DU am eu bwriadau a'r offerynnau statudol arfaethedig cyn y gallwn roi amcangyfrif cywir. Fodd bynnag, fel y gwyddoch, mewn achosion lle y bwriadwn roi cydsyniad i Lywodraeth y DU arfer swyddogaethau o'r fath, rydym wedi ymrwymo i hysbysu eich pwyllgor am ein bwriad a'r rhesymau y tu ôl iddo, cyn gosod Datganiad Ysgrifenedig. Byddwn yn parhau i sicrhau bod eich pwyllgor yn cael yr wybodaeth ddiweddaraf.

Yn gywir

Mick Antoniw AS/MS

**Y Cwnsler Cyffredinol a Gweinidog y Cyfansoddiad
Counsel General and Minister for the Constitution**

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Mick.Antoniw@llyw.cymru
Correspondence.Mick.Antoniw@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.